



ՈՐԹԱՏՆԿՈՒՄ ՄԱՅՐ ԱԹՈՒԻ ԱՅՓՈՒՄ

«Ծաղկեսցե իբրև զորթ յիշատակ նոցա»

(ՈՎՍԷԷ, ԺԳ 8)

Մարտի 11-ին, ուրբաթ, սլատական օր է Մայր Աթոռի համար:

Երեք հարյուր տարի առաջ, 1666 թվականի մարտի 11-ին, Մայր Աթոռի միաբան Ոսկան վարդապետ Երևանցին Ամստերդամում սկսեց տպագրությունը Աստվածաշնչի հայերեն առաջին հրատարակության:

1966 թվականի մարտի 11-ին Մայր Աթոռում Հայոց Հայրապետն ստորագրեց իր սրբատառ կոնդակը, հրահանգելով հիշարժան այդ տարեթիվը նշել արժանավայել հանդիսությամբ:

Աստվածաշնչի տպագրության երեքհարյուրամյակին նվիրված մշակութային այլ միջոցառումների կարգին, մարտի 11-ին, առավոտյան ժամը 12-ին, Վեհափառ Հայրապետը, հանդիսավոր իրադրության մեջ, ի հիշատակ երջանկահիշատակ Հակոբ Զուղայեցի կաթողիկոսի և Ոսկան վարդապետ Երևանցու, Վեհարանի պարտեզում կատարեց նոր այգիների արմատակալներ տնկելու արարողությունը:

Նորին Ս. Օծությունը, Մայր Աթոռի միաբանության ընկերակցությամբ, առաջնորդվում է Վեհարանի պարտեզի հյուսիսային կողմը, հորմյան թանգարանի կողքը, ուր խաղողի մշակության համար հատկացված են մեծ տարածությամբ վանդակներ:

Այս առթիվ, Երևանի այգեգործական ինստիտուտը Վեհարանի այգու համար ուղար-

կել է Հայաստանի խաղողի 21 լավագույն տեսակների արմատակալներ, որոնք ստացվել են ինստիտուտի դիրեկտոր, դոկտ.-պրոֆ. Ս. Պողոսյանի ջանքերով, և որն անձամբ հսկել է աշխատանքների վրա, Մայր Աթոռի այգում, տեսակավորելով որթերը և նշելով նրանց հերթականությունը հողամասերում: Վեհափառ Հայրապետի օրհնությամբ կատարվում է առաջին որթատնկումը այգու առաջին հողամասում: Դա «Զվարթնոց» խաղողի տեսակն է: «Այգիս ցանկալիս տնկես-ջի՛ք» (Ամովս Ե 11):

Այնուհետև, կատարվում է հետևյալ տեսակի արմատակալների գցումը.

1-ին հաղամաս

(20-ական արմատակալ)

- 1-ին շարք, «Զվարթնոց», վարդագույն:
- 2-րդ շարք, «Սեան», սպիտակ:
- 3-րդ շարք, «Վարդագույն», թայֆի:
- 4-րդ շարք, «Կարմիր», կախանի:
- 5-րդ շարք, «Պարկենտ», կարմիր:

2-րդ հաղամաս

(20-ական արմատակալ)

- 1-ին շարք, «Անի», սև:
- 2-րդ շարք, «Գեղարդ», կարմիր:
- 3-րդ շարք, «Մասիս», սև:
- 4-րդ շարք, «Համբերդ», սպիտակ:
- 5-րդ շարք, «Կարմրենի», կարմիր:

- 6-րդ շարք, «Շահումյանի», սպիտակ:
 7-րդ շարք, համար 720/19, սև:
 8-րդ շարք, «Վաղարշասպատի», սպիտակ:
 9-րդ շարք, «Մուսկատ», Ալեքսանդրի:
 10-րդ շարք, «Սհաբի», կարմիր:

3-րդ հոդամաս

1-ին շարք, «Արմենիա», սև (20 արմատակալ):

2-րդ շարք, «Արաքսենի», սպիտակ (15 արմատակալ):

3-րդ շարք, «Հրուշակ», սպիտակ (20 արմատակալ):

4-րդ շարք, «Վաղենի», սպիտակ (15 արմատակալ):

5-րդ շարք, «Մուսկատ Սուսաննա», սպիտակ (15 արմատակալ):

6-րդ շարք, «Սաթենի» (15 արմատակալ):

Արմատակալների տնկման աշխատանքները ղեկավարում են Երևանի այգեգործական-ստղաբուծական ինստիտուտի հմուտ այգեգործ Ա. Սարգսյանը և Մայր Աթոռի գյուղատնտես Վ. Փարսադանյանը:

«Այգի Տեառն զօրութեանց» (Ծալի Ե 7):

Գեղեցիկ են նաև Վեհարանի ծաղկանոցները, որոնք մշտապես վալելում են Վեհամոր մասնավոր հոգածությունն ու խնամքը

և զարդարում Վեհարանի պարտեզները մինչև ուշ աշնան օրերը:

Հարավ-արևմտյան ծաղկանոցների մեջ կառուցվում է Վեհարանի նոր տաղավարը:

Մշտադուլար են Վեհարանի մուտքի առաջ, հյուսիսային և հարավային կողմերում տա-րածված մարգարտապատերը (զագոններ), որոնք երիզված են կանաչ դուլաներով:

Վեհարան տանող ճանապարհին, երկու մայթերի կողքերին, տնկվեցին նուննիներ:

Վեհարանի հարավ-արևմուտքում և հյուսիս-արևմտյան կողմում գտնվող տարածությունների վրա տնկվեցին մրդատու ծառեր (ծիրան, դեղձ, տանձ, խնձոր):

Վեհարանի հյուսիս-արևմտյան մասում, ընդարձակ մի տարածություն, հատկացվել է անտառածառերին, որոնց թվում փշատերև և սաղարթավոր ծառատեսակներ: Հյուսիսային կողմում բարդիներն են և գեղազարդող այլ ծառատեսակներ, զարաղաջ (պատվաստ) ծառեր:

Կանցնեն մի քանի տարիներ և սորթ մեր ծաղկալք տան զհոսս իրեանց» (Երգ եր-դոց Բ 9) և «Բերեն զպտուղս» (Եղեկ. Ժէ 8):

Մեռելներուս իբրև խաչ ևս այս ծառը տնկեցի»:

